

16. Et mittunt ei discipulos suos cum Herodiânis dicentes: Magister, scimus quia verax es, & viam Dei in veritate doces, & non est tibi cura de aliquo: non enim respicis personam hominum:
 17. dic ergo nobis quid tibi videtur, licet censum dare Cæsari, an non?
 18. Cognitâ autem Iesus nequitia eorum, ait: Quid me tentatis hypocritæ?
 19. ostendite mihi numisma censûs. At illi obrulerunt ei denarium.
 20. Et ait illis Iesus: Cuius est imago hæc, & superscriptio?
 21. Dicunt ei: Cæsaris. Tunc ait illis: * Reddite ergo quæ sunt Cæsaris, Cæsari: & quæ sunt Dei, Deo. ^{* Rom. 13. 7.}
 22. Et audiéntes mirati sunt, & relicto eo abiérunt.
 23. In illo die accesserunt ad eum Sadducæi, qui dicunt * non esse resurrectionem: & interrogaverunt eum,
 24. dicentes: Magister, Moyses dixit: * Si quis mortuus fuerit non habens filium, ut ducat frater eius uxorem illius, & suscipiet semen fratri suo. ^{* Deut. 25. 5. Marc. 12. 19. Luc. 20. 28.}
 25. Erant autem apud nos septem fratres: & primus, uxore ductâ, defunctus est: & non habens semen, reliquit uxorem suam fratri suo.
 26. Similitèr secundus, & tertius usque ad septimum.
 27. Novissimè autem omnium & mulier defuncta est.
 28. In resurrectione ergo cuius erit de septem uxor? omnes enim habuerunt eam.
 29. Respondens autem Iesus, ait illis: Erratis nescientes Scripturas, neque virtutem Dei.
 30. In resurrectione enim neque nubent, neque nubentur: sed erunt sicut angeli Dei in celo.
 31. De resurrectione autem mortuorum non legistis quod dictum est à Deo dicente vobis:
 32. * Ego sum Deus Abraham, & Deus Isaac, & Deus Iacob? Non est Deus mortuorum, sed viventium.
 33. Et audiéntes turbæ, mirabantur in doctrina eius.
 34. Pharisei autem audiéntes quòd filentium imposuisset Sadducæis, convenérunt in unum:
 35. * & interrogavit eum unus ex eis legis doctor, tentans eum:
 36. Magister, quod est mandatum magnum in Lege?
 37. Ait illi Iesus: * Diliges Dóminum

Deum tuum ex toto corde tuo, & in tota anima tua, & in tota mente tua.
 38. Hoc est maximum, & primum mandatum.
 39. Secundum autem simile est huic: * Diliges proximum tuum, sicut teipsum. ^{* Lev. 19. 18. Marc. 12. 31.}
 40. In his duobus mandatis univèrsa lex pendet, & propheta.
 41. Congregatis autem Pharisæis, interrogavit eos Iesus,
 42. dicens: Quid vobis videtur de Christo? cuius filius est? Dicunt ei: David.
 43. Ait illis: * Quomodo ergo David in spiritu vocat eum Dóminum, dicens:
 44. * Dixit Dóminus Dómino meo: sede à dextris meis, donec ponam inimicos tuos scabellum pedum tuorum?
 45. Si ergo David vocat eum Dóminum, quomodo filius eius est?
 46. & nemo poterat ei respondere verbum: neque ausus fuit quisquam ex illa die eum amplius interrogare. ^{* Psal. 109. 1.}

CAPUT XXIII.

Unus Magister noster Christus. Duces cæci. Væ hypocritis. De iuramento. De cade prophetarum.

1. **T**unc & Iesus locutus est ad turbas, & ad discipulos suos, ^{* FER. 3. POST DOM. 2. QUADR. 2. Esdr. 8. 4.}
 2. dicens: Super cathedram Moysi sederunt * Scribæ, & Pharisæi.
 3. Omnia ergo quæcumque dixerint vobis, servate, & facite: secundum opera verò eorum nolite facere: dicunt enim, & non faciunt.
 4. * Alligant enim onera grævia, & importabilia, & imponunt in humeros hominum: digito autem suo nolunt ea movere. ^{* Luc. 11. 46. Act. 15. 10.}
 5. Omnia verò opera sua faciunt ut videantur ab hominibus: * dilatant enim phylacteria sua, & magnificant sabbatas.
 6. * Amant autem primos recubitus in cœnis, & primas cathedras in synagogis,
 7. & salutationes in foro, & vocari ab hominibus Rabbi.
 8. * Vos autem nolite vocari Rabbi. unus est enim Magister vester, omnes autem vos fratres estis.
 9. * Et patrem nolite vocare vobis super terram: unus est enim Pater vester, qui in cælis est.
 10. Nec vocemini magistri: quia Magister vester unus est, Christus.
 11. Qui maior est vestrum, erit minister vester.

12. Qui

* Qui autem se exaltaverit, humiliabitur: & qui se humiliaverit, exaltabitur. ^{* Luc. 14. 11. & 18. 14.}
 13. Væ autem vobis Scribæ, & Pharisæi hypocritæ: quia clauditis regnum cælorum ante homines. vos enim non intratis, nec introeuntes sinitis intrare.
 14. Væ vobis Scribæ & Pharisæi hypocritæ: * quia comeditis domos viduarum, orationes longas orantes: propter hoc amplius accipiētis iudicium. ^{* Marc. 12. 40. Luc. 20. 47.}
 15. Væ vobis Scribæ, & Pharisæi hypocritæ: quia circuitis mare, & aridam, ut faciatis unum profelytum: & cum fuerit factus, facitis eum filium gehennæ duplò quàm vos.
 16. Væ vobis duces cæci, qui dicitis: Quicumque iuraverit per templum, nihil est: qui autem iuraverit in auro templi, debet.
 17. Stulti, & cæci: Quid enim maius est, aurum, an templum, quod sanctificat aurum?
 18. Et quicumque iuraverit in altari, nihil est: quicumque autem iuraverit in dono, quod est super illud, debet.
 19. Cæci: Quid enim maius est, donum, an altare, quod sanctificat donum?
 20. Qui ergo iurat in altari, iurat in eo, & in omnibus, quæ super illud sunt.
 21. & quicumque iuraverit in templo, iurat in illo, & in eo, qui habitat in ipso:
 22. & qui iurat in celo, iurat in throno Dei, & in eo, qui sedet super eum.
 23. * Væ vobis Scribæ, & Pharisæi hypocritæ: qui decimatis mentham, & anethum, & cyminum, & reliquistis quæ graviora sunt legis, * iudicium, & misericordiam, & fidem. hæc oportuit facere, & illa non omittite. ^{* Luc. 11. 42. * Mich. 6. 3. Zach. 7. 9.}
 24. Duces cæci, excolantes culicem, camelum autem glutientes.
 25. Væ vobis Scribæ, & Pharisæi hypocritæ, quia mundatis quod deforis est calicis, & paropsidis: intus autem pleni estis rapinâ, & immunditiâ.
 26. Pharisee cæce, munda prius quod intus est calicis, & paropsidis, ut fiat id, quod deforis est, mundum.
 27. Væ vobis Scribæ, & Pharisæi hypocritæ: quia similes estis sepulchris dealbatis, quæ aforis parent hominibus speciosa, intus verò plena sunt ossibus mortuorum, & omni spurcitiâ.
 28. sic & vos aforis quidem parëtis hominibus iusti: intus autem pleni estis hypocrisi, & iniquitate.

29. Væ vobis Scribæ, & Pharisæi hypocritæ, qui ædificatis sepulchra prophetarum, & ornatis monumenta iustorum,
 30. & dicitis: Si fuissèmus in diebus patrum nostrorum, non essèmus socii eorum in sanguine prophetarum.
 31. itaque testimonio estis vobismetipsis, quia filii estis eorum, qui prophetas occiderunt.
 32. Et vos implète mensuram patrum vestrorum.
 33. * Serpentes genimina viperarum, * quomodo fugiētis à iudicio gehennæ? ^{* Sap. 3. 7.}
 34. Idèd & ecce ego mitto ad vos prophetas, & sapientes, & scribas, & ex illis occidētis, & crucifigētis, & ex eis flagellabit in synagogis vestris, & persequemini de civitate in civitatem:
 35. ut veniat super vos omnis sanguis iustus, qui effusus est super terram, * à sanguine Abel iusti usque ad sanguinem Zachariæ, filij Barachiz, quem occidistis inter templum & altare. ^{* Gen. 4. 8. Heb. 11. 4. * 2. Paral. 24. 22.}
 36. Amen dico vobis, venient hæc omnia super generationem istam.
 37. * Ierusalem Ierusalem, quæ occidis prophetas, & lapidas eos, qui ad te missi sunt, quoties volui congregare filios tuos, quemadmodum gallina congregat pullos suos sub alas, & noluit?
 38. Ecce relinquētur vobis domus vestra deserta.
 39. Dico enim vobis, non me videbitis amodò, donec dicatis: Benedictus, qui venit in nomine Dómini. ^{* Luc. 13. 34.}

CAPUT XXIV.

Everfio templi. Cavendum à seductoribus, & à pseudoprophetis. Abominatio desolationis. Adventus Christi.

1. **E**T egressus Iesus de templo, ibat. Et accesserunt discipuli eius, ut ostenderent ei ædificationes templi.
 2. Ipse autem respondens dixit illis: Vidētis hæc omnia? Amen dico vobis, * non relinquētur hic lapis super lapidem, qui non destruatur. ^{* Luc. 19. 44. & 21. 6.}
 3. & Sedente autem eo super Montem oliveti, accesserunt ad eum discipuli secretò, dicentes: Dic nobis, quando hæc erunt? & quod signum adventus tui, & consummationis sæculi?
 4. Et respondens Iesus, dixit eis: * Videte nequis vos seducat. ^{* Ephes. 5. 6. Coloss. 2. 18.}
 5. multi enim venient in nomine meo, di-

